









Opuscula



Opuscula



48

**S U M M A**  
**Cardinalitii Honoris**  
**EMINENTIA,**  
**D. BONAVENTURA.**

**DOCTOR SERAPHICUS,**  
**S. R. E. CARDINALIS,**  
**ARCHIPISCOPUS ALBANENSIS.**

Redeunte annua suæ solennitatis die:  
In Sacra D. FRANCISCI Basilica  
Celeberrimi Conventus Cracoviensis  
Præsente Magnorum Hospitum Corona,

<sup>et</sup>  
**M. JOANNE ANTONIO**  
**W O S K O W I C Z,**

In Alma Universitate Cracoviensi  
Philosophiæ Doctore & Professore,  
Oratorio Sermone

**DEMONSTRATUS.**

Annò quò  
Summus Generis Humani Honor eminuic 1751.  
Die 14. Mensis Junij.

CRACOVIAE TYPIS UNIVERSITATIS.



In Stemma Illustrissimæ  
BARTOSZEWSCIORUM  
Domûs



I.

Quæris BONCZA pedes sursum cur elevat? ecce  
Auxilium Lechiæ, ferre paratus adest.

II.

Hoc, quod fronte gerit Cornu pretiosius aurô,  
Est pretium Patriæ Gloria magnus Hon or.

III.

Stat binis pedibus binos ad sidera tollit,  
Cælos Sarmatiæ, flectere namq; cupit.



ILLUSTRISSIMO

&

REVERENDISSIMO DOMINO,

D. STANISLAO

BENEDICTO

BONCZA

BARTOSZEWSKI,

DEI & Sanctæ Sedis Apostolicæ Providentiâ,

REGALIS & EXEMPTI

Archicænobii Tynecensis,

Congregationis Benedictino-Polonæ

ABBATI,

Ecclesiæ Cathedralis Cracoviensis

CANONICO,

Necnon Principalium Abbatiarum

Trocensis & Orłoviensis

atq;

Ducalis Monasterii Kościelnensis, Archiepiscopalisq;

Uniejoviensis & Conventualis Tuchoviensis

Præpositurarum;

PROTO-PRÆLATO PERPETUO,

Domino Mecænati Munificentissimo.



*Ummam Cardinalitii Honoris Eminentiam, ma-*

*ximam Vaticani Gloriam, nitissimum Romanæ*

*Purpuræ decus* **BONAVENTURAM**

*Divinissimum quod ad amplissimos Illustris-*

*sime Domus Tuæ confere splendores non mireris Illustrissime*

*& Reverendissime Domine. Magnitudo etenim illa-*

*A*

*strissima*



*strissimæ Domus Tuæ, par summis, æqualis maximis, unde decebat  
Summam Cardinalitii Honori Eminentiam, maximam Vaticani  
Gloriam Divinissimum **BONAVENTURAM** in  
Illa eminere. Splendor illius gloriæ diffusus adeò per totam  
clarefcit Poloniam, Orbiq; innotescit Universo, ut Regia Solis  
non immeritò nominetur, tot sublimibûs alta columnis, quot Atlan-  
tes ad sustentandum Orbem Polonum, quot Hercules ad suffe-  
rendam Patriorum negotiorum molem, quot fortissimos Patriæ  
Scipiones, quot dexterrimos Castris Gradivos, quot strenuos Le-  
chico Regno Achilles, quot prudentissimos Senatui Consos & Ca-  
millos subministrat. Comportent huc prolixiores Ovidii fastos,  
aptent novam Homeri Iliadem, compilent Æneidem Marones ut  
omnes **BARTOSZEVIOS** Heròas, heroicosq; Illorum  
conscribant adus, quibûs Magni Miltiades Orbem impleverunt  
Polonum, ut haberent posteri Themistocles, quod in illis mirari &  
imitari possent. Gentilicium **BARTOSZEVSCIORUM**  
Bonczam, tollentem ad Cælos verticem dum intueor, dignum  
Cælesti Zodiaco, ut ipsis coronetur sideribûs censeo. Si Szeli-  
garum Lunam, Cruci junctam reverentiali cerno pupillâ, Hæc  
opaci cæcæ superstitionis dissipatis cimeriis, sereno Fidei orthodoxæ  
lumine, primum Jagelonem Poloniæ Regem illustravit documen-  
tum est, Szeligarum Lunam ipsas Regnorum Soles posse  
illustrare Hæc sufficeret Orbi illustrando toti, si stellæ deessent  
Olympo Hæc quoties suis cornibûs arietem belli in hostem movit  
toties in triumphalem Patriæ arcum assurrexit. Nunquam  
expuluit, nisi inter curas Patriæ & Ecclesiæ nunquam excanduit,  
nisi ad vindictam Barbarorum maximos semper gloriæ splendores  
**BARTOSZEVIORUM** ferens Nomini. Factent sæ-  
cula ante Lunam natos Arcades, obscuros & cæcæ noctis parvus,  
**BARTOSZEVII** cum Sole cæperunt, ab origine statim  
Illustrissimi, in Mondvido Palemonii Duce, Purpuris ornatissi-  
mi, Sagô & Togâ celecerrimi. Celsissima Domus **BAR-  
TOSZEVSCIORVM**, Magnorum ab antiquo Heròum  
sedes*



*sedes. Ostro & rubentibus Muricibus splendidissima, sublimitate  
 gloriæ par Olympo. Arbor BARTOSZEVIANÆ  
 genesis in tantam excrevit proceritatem, ut ex latissimis suis  
 frondibus sufficiat dare & Peda Prasulibus, & Curules Stato-  
 ribus libertatis. Flumina magna parvis de fontibus orta sunt,  
 Rubicon Illustrissimi Sanguinis BARTOSZE-  
 VSCIORVM a origine profundissimus, & maximus, in am-  
 plissimum posthac diffusus mare, omni sæculo inestimabiles Viro-  
 rum Gemmas pariebat & parit adusq̃. Revolve fastos Polo-  
 niæ & plenos lego BARTOSZEWSCIORVM No-  
 mine, resero Atria & plena adverto Avorum Atavorumq̃ ima-  
 gimib̃s, recludo Conclavia & plena video honorariis fascibus, ni-  
 mirum per fasces numerantur BARTOSZEVII & fixus  
 in omnes cognatos procedit Honor. In sublimi BARTO-  
 SZEVIANÆ Domus Polo non Primus es Phosphorus  
 Abbas Illustrissime fulserunt ante Te multa Primæ Ma-  
 gnitudinis Sidera, plurimi Castores luxerunt, innumeri Martes  
 radiarunt. Irem per omnes Majores Tuos, recenserem singula  
 trabeata Nomina, nisi mihi Tua Abbatialis modestia calamum  
 contineret, paucis verbis idcirco omnes simul edissero, magnos  
 gesserunt Honorum Titulos BARTOSZEVII Trabeis splen-  
 dorem auxerunt, utramquamq̃ Purpuram decorarunt. Ex ma-  
 gnis cineribus evadisti Tu Phoenix gloriæ, idea pietatis, exem-  
 plar sanctimonie, Virorum gemma, virtutum Compendium, Prin-  
 cipum amor, pupillorum Pupilla, Benedictini Ordinis Honor ma-  
 ximus Illustrissime & Reverendissime Dñe. Non  
 tamen ab Avorum cineribus corruscantes gloriæ vel famæ quæ-  
 ris igniculos, non à Consanguinearum unione Domorum esti-  
 mationem pretiumve aucuparis, non à præcellsa Prosapie arbore  
 fructum. Honoris exposcis, sed à maxima virtute. Et ideo No-  
 men Tuum Genusq̃ maximum, majoribus extendis factis, Lineas  
 & augustæ Propaginis, probitatum auges charactere, ut Tui lau-  
 datoribus luctam moveas, sanguinisne Purpura an candor probitatis?*



illustres Cere an rectefactorum fulgor? palmam in Te tenest.  
Angustis Augusta Lucinae manus adhuc Te stringebat cunabulis,  
jam ampla virtute Tua Orbem implere coeperas Sarmaticum,  
Quis, qualis, quantusve futurus esses, absq; oraculo Phœbi, quili-  
bet augur erat, magnam indolem, speciem Imperio dignam, amœ-  
nitatem vultûs, comitatem oculorum intuendo, quod in delictum  
Regni, in fulcrum Patriæ, in Columnen Ecclesiæ, in grande  
Illustrissimæ Domus Tuæ crescebas jubar. Amœnum  
Ver Te Mundo dedit STANISLAUM, ut ex Te Polo-  
nia novum solatiorum Majum, Avita Domus Coronamentum  
Vinea Domini odore virtutum florem fragrantissimum, Insula  
suum haberet ornamentum. Auroram vitæ Tuæ Scholasticus  
protinus sequebatur Phœbus, Sereniores Sarmatiæ dies illaturus.  
In Arenâ Literaria non ludicræ Infantum imagines, sed vivæ  
virtutum Idææ, non vitreus Crystalli nitor, sed crystallina mentis  
puritas, non domesticus, sed Scholasticus Te pulvis oblectabat.  
Idcirco in eruditæ Palladis Olympiis ad metam omnes præcessisti.  
Sublime bicollis Parnassi vix ascendisti culmen illicò Tuum ver-  
ticem omnium Principes artium Musæ, ceu Thronum suum posse-  
derunt. In Tullianum vix descendisti litus, Oratoria statim  
ornabas Rostra, pro verbis Gemmas loquendo. Æstimabantur  
protinus Pliniorum uniones, penes Tuæ pretium facundiæ, auge-  
bantur Oratorii fontes, penes Tuæ torrentem suadæ, vernabant  
pulchrius Demosthenum Lilia, florebant venustius Hortensiorum  
Rosæ penes Tuæ vernantiam eloquentiæ. Palladis itaq; Lau-  
rea redimitus Oratoriis floribus coronatus, omnium virtutum luce  
corruscus ad Benedictinum devertisti Ordinem. Illius perennis  
Laus & Gloria STANISLAUS Nomine BENEDI-  
CTI insignitus, vera Patriarchæ Tui idea. Celeberrimum  
Nesvisiense Cœnobium, cum in Te vidit clementem Genium, hu-  
manam indolem, sinceram frontem, sermonis pondere gravem, cum  
Te perfectum virtutibus & scientiis, accepit non fecit, statim o-  
mnium corda, in amorem Tui, Prima illiusmet Cœnobii Capita,



magna de Te non sine felici eventu quo sacer Benedictinus nunc  
gaudet Ordo, traxisti meditamina, quæ ut in Te effectuatæ essent,  
Cælum ac Tua virtus laboravit. Philosophicam dum es aggres-  
sus arenam, Philosophici Tibi circuli abibant in coronas trium-  
phales, Logicæ spinæ producebant Rosas in sertum meritißimi Tui  
verticis. Arbor Porphyrii Tuo capiti crescebat in laureas. Tri-  
ta igitur à Te Philosophica arena in Olympum Tux cõaluit glo-  
riæ. Mirabantur singuli scientiam, stupebant Ingenium Cælo-  
ste & dignum Professorali judicabant Cathedra, quem sibi in  
Philosophia præfecerunt Magistrum. Demirabantur in Te  
studiosæ mentes subtilitatem cum soliditate, soliditatem cum cla-  
ritate, claritatem cum facilitate, facilitatem cum vero docendi  
amore, quem illis ad discendum, proficiendum, & sapiendum  
instillasti: In Theologia speculativa subtilissimus; nullum dubium  
erat quod extra dubium non poneres, nullus tam intricatus ar-  
gumenti nodus, quem subtili mente non resolveres, nulla difficul-  
tas, quam solidâ non faciliâres doctrinâ. In Morali verò clari-  
simus, quod ore docuisti, implebas factò, quod verbò loquebaris,  
confirmabas illius vitæ exemplò, virtutum exemplar. Sed non  
sufficiebat Tibi in scholasticis tantum docere Cathedris, nisi etiam  
in sacris erudires Exedris, sacrâ doctrinâ mentes, salutari in-  
structione animas, corda aurifluis oris. Tu rore implens alter Chri-  
stomus. Tantæ itaq; virtutis Tux & meritis cæpit se insinuare  
Honor Abbatialis dum Te Cœnobium Nesvisiense præstantissi-  
mum habere Moderatorem optabat, ut cum alios meritis & vir-  
tutibus antecederes, etiam & honore excelleres. Sed non est  
suis votis elusum dum per libera Majorum ac Fratrum vota Ab-  
bas & Commissarius, Generalis es electus, Abbas &  
Commissarius Generalis factus, omnium desiderio, sin-  
gularum expectationi satisfecisti, quod æquum erat, egisti cun-  
cta pro Honore Ordinis Benedictini; quod erat laudatissi-  
mum, fecisti omnia pro illius emolumento. Non hoc erat Ti-  
bi eminere tantum in Insula, tolli supra alios Pedò Præsuleò sed



Divinis prodesse Aris subvenire Templis. Extollit nomen Tu-  
um sub Cælos Turris Nesvisiensis Cœnobij, laudis Tuae famam  
campana resonat semper ac inter ipsa divulgat sidera. Porta se  
Tibi in triumphalem sinuat arcum, quam Tua munificentia ere-  
xisti. Ad hanc portam Tibi obligatissima omnium patuere cor-  
da, & pectora, dum tanti beneficii in Superos præstiti non ingra-  
ta Polono Benedictina Congregatio Te suum emeritissimum ele-  
git Præsidentem. Felicissimis auspiciis prævio virtutum & me-  
ritorum agmine, in hac honoris consistens auge, Te in omnium  
commoda in singulorum emolumentum effudisti. Ut quiescerent  
alii tu quiescere nolui, totum Te curis impendisti etiam propria  
valetudini non parcens, ac viribus non indulgens. Et non im-  
merito Te Excellentissimus Illustrissimus & Reveren-  
dissimus Dominus CAMILLUS PAULUCIUS  
SORBELINUS Archiepiscopus Iconensis, in utra-  
que Signatura Summi Pontificis Referendarius, in Po-  
lenia Nuntius Apostolicus, Regiæ Mogilnensi Abbatie  
præfedit, & Commissarium Apostolicum omnium per utramq; Po-  
leniam & M. D. Lubaviam Ordinis Benedictini Cœnobiorum  
delegavit. Gerens hoc officium, quanta pro gloria Ordinis Be-  
nedictini egisti, quot profluvia sudoris effudisti, quot incommoda  
tolerasti, quot inquietudines sustinuisti. Ponderavit hæc singu-  
la summum Ecclesiæ Caput BENEDICTUS XIV. Pon-  
tifex Maximus, æstimavit Tui sudoris gemmas, & tan-  
pretiosa monilia pectori admovens. digna Insulæ Tynecensis Ar-  
chicœnobii iudicavit, dum Te eidem providit Abbatem, Reso-  
nuit multum Tui Nominis fama per septem colles Romæ, ubi  
Illustrissimo & Reverendissimo Domino FERDI-  
NANDO MARIA de RUBAI Archiepiscopo  
Tarsinensi, in Ecclesia monialium S. BENEDICTI,  
apud Campum Martium munus Benedictionis Abbatialis, & in-  
signia conferente, in numerosa amplissimorum Hospitum Præ-  
sentia, gratulatorios cum festivo iubilo Tibi Roma reddidit plau-  
sus



*ius. Revertentem ad nativum Patriæ solum, si plausum atten-  
dis, quò Te suscepit si affectum quò Te adamavit, si æstimatio-  
nem, qua Te Gemmam Virorum recepit Corona Poloniæ, non  
major plausus apud Xerxem Themistocli, non majus jñbilum apud  
Dionisium Platonis fuisse videbatur. Quocunq; incederes prius  
Tibi pectora quàm Penetratia, prius corda quàm Conclavia patue-  
re. Emeritissimus jam Abbas Archi-Cœnobii Tyne-  
censis, omnes informas eruditione, excolis conversatione, im-  
pelis exemplò, dirigit legibus armas virtute, munis spiritu adeò  
ut jam nulla obvenire possint adversa, quæ non vincas nullæ  
honestatis leges, quas non asseras, vitia quæ non extirpes,  
virtutes quas non implantes, abusus quos non eruas, ruina quam  
non fulcias, prosperitas quam non adaugeas, utpote totus com-  
muni deditus Beno, ab exhibendis subsidis manus, à supportan-  
dis oneribus humeros nunquam subtrahis, Palæstra eruditionis,  
pietatis exemplar, sanctitatis Heculum, Legum amor, virtutum  
Asylum, vitiis excidium, singulorum delictum. Captivasti Ti-  
bi corda Tracerum, animos Magnatum, Dinastarum devicisti  
affectus, adeò ut ex Illorum cordibus spolia ex animis trophæa, ex  
affectibus gloriam retuleris. Magnum olim Romæ & Se-  
natoriæ Purpuræ decus, ingens Poloniæ Astrum, Sarmatici Con-  
su Regni, Superum specialis Gratia, Eminentissimus JO-  
ANNES ALEXANDER LIPSKI, S. R. E.  
Cardinalis, Episcopus Cracoviensis, in Te gratiosissi-  
mus, Te dilectissimum suo pectore fovit, & magnis gratiarum  
prosequatur favoribus. Augusta RADIVILIORUM,  
SANGUSZKORUM Regia, Te suum continuò fovit fo-  
retq; delictum. Te Illustrissimi, Reverendissimi Præ-  
lati, Canonici, toto complectendo animo & affectu, in suum  
evocarunt gremium, evasatum magna æstimatione Te Gemmam  
& Decus Coronarum Vavelli prosequuntur. Tu vicissim ita  
Te accommodas singulis comitate, invisceras affectu cunctis, ut  
per Tui comitatem & affectum, omnium cor & primum vivens*



*habearis. Non est mihi tantum facundiae flumen, ut omnium  
in Te effusum celebrem affectum, sufficit mihi dicere, quod es a.  
mor Principum, delictum Magnatum, cor omnium. Pluri-  
ma alia Te circumstantia decora, innumera Tua gesta non ad cal-  
culum revoco, sed profundo veneror cultu. Summis tantam  
Illustrissimæ Domus Tuae decoribus summam Cardinalitii  
Honoris Eminentiam Divinissimum BONA-  
VENTURAM adjungo. Cardinalitiâ Rotâ Te fortu-  
natam & incolumem cum tota Illustrissima Domo ad su-  
premam Honorum ut vehat augem precor.*

Illustrissimæ & Reverendissimæ  
Dominationis VESTRÆ

Humillimus Servus & Cliens  
JOANNES ANTONIUS WOSKOWICZ,  
Phiæ Doctor. Author Operis.





# ORATIO.

**S**patiosum latè diffusi Orbis ambitum,  
Oratoris haecenus perlustrabat animus,  
hodie dextro omine festivas Divinissi-  
mi pro laudibus **BONAVENTU-**  
**RÆ**, ascendit exedras, non jam ad accensam Dio-  
genis facem, verùm ad Seraphicos **FRANCISCI** ignes,  
magnum in rebus inane, Vestris monstraturus obtu-  
tibus. **AA.** Augusta etenim sæculorum opera, visu  
stupenda, humanæq; caprum excedentia mentis Or-  
bis vetusti prodigia, pro quibus non unus Archime-  
des cum **Lisippo** longo annorum tractu laborando;  
sudavit & alsit, ut admirando pomposæ vanitatis  
stupore captos in triumphum raperent, quidquid  
magnificum ostentabant, humilem efficit umbram,  
quidquid elatâ superbiâ transcendente remon-  
strabant, infimæ speciei videtur, quidquid jactabant  
pretiosum, vile spectatur, quidquid decorum in-  
forme observatur. Admiratrices hominum pupil-  
las rapiebant olim superbo luxu vestita **Acroco-**  
**rinthi** **Augustalia** **Pariis** lapidibûs, nitido ebore, &  
metallorum Principe aurô constructa **Cyri** triclinia,  
mortalium fatigabant oculos, tam superbæ **Basium**  
moles, majori cum propudio sui abiire pridem in-  
favit.



favillas. Stupebat admirabile fastuosæ artis portentum Cryſtallinum Coſtroæ Cœlum vetuſtas, mirabatur vaſtam grandioris Machinæ immenſitatem, quæ Solis, ſiderumq; curſus, Lunæ vices, micantium ſtellarum converſiones exhibendo, verioris ſpeciem Cœli mirô artificiô præſentabat: concuſſum fragile mundanæ vanitatis vitrum, magnitudo diminuta, altitudo depreſſa, nil niſi portentofum Nomen inane, & ſplendidum nihil, humanis repræſentat oculis. Antiqua olim Macedonia, Heroum ſedes, Bellonæ gloria, & Martis prodigium, magnum Orbis ſtuporem & terrorem jaçtabat Alexandrum, faſcibûs univerſi dignum extollebat, ſed quod magno augebat ſtupore, id in ſe exiguum erat, Orbi æqualem dicebat, quem fatorum cinis cum favilla æquavit. Ingens Aſiæ ornamentum, ſuperbum Priami Ilium magnum ſui Imperij decus centum portarum Thebæ, illa bractæata Memphis fulgura quæ ad mendacem ſui emendam famam, immenſas Ægyptiorum opes exigebant, (parvô enim vana gloria emi non potuit) jam pridem abiere in ludibrium, ceſſerunt in prædam ſæculis, & abſumptis magnis ſumptibûs magnificanti; quâ gloriabantur pompam, celârunt in ruderibus. Faſtuofa illa ſeptem Orbis miracula, jam edaci rerum tempore adeò ſunt contrita, ut maximum ſit octavum miraculum, ex ſeptem miraculis nullum ſuperſeſſe. Mendaces Mundi magnitudines, lippientes mortaliū oculos apparenti rerum fallunt celſitudine, æmulas Poli ſtelligeri turres Pharias, triumphales eveçtos ad ſidera obeliſcos, per ementita Theleſcopia, fucata quantitate, oſtentant maximos, quos perſpicacior mentis ſolertia, quanti ſint ex cinere meti-



metitur. Removeamus Mundi siparium & re-  
rum vana omnia adhuc scrutabimur, Cor fiderei  
Olympi, Cæli oculus, diei fax, & Astrorū Princeps  
Tytan, ad diffundendam serenitatis suæ Majestatem  
Orbem postulat universum, magnitudine sua va-  
stissimam centies sexagies Mundi excedit machi-  
nam, meridionali sistens in puncto, Orbe minor  
observatur. Latè extensum prominentibûs montiû  
jugis tumescentem terræ globum, effusum in im-  
mensum; terram circumluentem Oceanum mens  
curiosa spectare Empyreum versûs si elevabitur,  
Oceanum in guttam, terram in athomum degene-  
rare spectabit. Sublimes illi Gaditani montes, ver-  
tice ipsi contermini Polo Athlantes vastitate molis,  
ambitioso cacumine curiosas mortalium fatigantes  
pupillas Caucaſi, jam in depressas abierunt valles,  
in quibus Nomen exiguum & parvitatem molis hu-  
mana scrutatur industria. Ad caput Orbis Romam  
conſulto in ſepticolli fastigio aliquid sublime, & ex-  
cellsum spectaturus, & dum reverentialem pupillam  
in Vaticanam reflecto dignitatem, virtutum celsi-  
tudinem non sine ſupore, ſapientiæ magnitudi-  
nem non sine prodigio, ſublimitatem ſanctitatis  
non sine admiratione, Diviniſſimum BONA-  
VENTURAM adoro. Quidquid enim in ſe com-  
plexus BONAVENTURA, id totum humanas ex-  
cedeſbat mentes, ſuperabat animos, magnitudine ſua  
ipſos contingebat Polos. Loquantur jam Tulliorum  
Roſtra caput Orbis Romam, Ego Diviniſſimum  
BONAVENTURAM, ex altitudine ſapientiæ  
ſupremam admirabor Potentiam, proclamant Gen-  
tium Dominam, Ego Diviniſſimum CARDINA-  
LEM Purpuratum venerabor Principem, ediſſe-  
rang



rant Cœlum terrestre, Ego Divinissimum BONA-  
VENTURAM Motricem Intelligentiam confide-  
rabo, agnoscant Ornamentum Europæ, Ego Divi-  
nissimum BONAVENTURAM Purpuræ Car-  
dinalitiæ maximum affirmabo decus, dicant Cyno-  
suram errantium, Ego fulgentissimum Sidus Ec-  
clesiæ Divinissimum BONAVENTURAM ob-  
servabo, in quo Sapiencia & virtus supremæ fulge-  
bant ad stuporem omnium, eruditio & probitas  
maximæ, in admirationem resplendebant cuncto-  
rum, scientia & pietas summæ, ad singulorum emi-  
nebant prodigium. Ergo maximis exornatum do-  
tibus BONAVENTURAM Divinissimum sum-  
mam Cardinalitii Honoris Eminentiam infima O-  
ratoris deprædicabit svada. Summam virtutum Tua-  
rum Eminentiam humilis venerabitur dictio BO-  
NAVENTURA Divinissime, quæ si ad Tuæ Ma-  
jestatem Eminentiae apparabit minima, parces *DI-  
VINISSIME CARDINALIS*, humilem tamen Emi-  
nencia sanctitatis Tuæ non dedignabitur svadam,  
quæ non tam ab imbelli Tullio, quam ab amplissima,  
Auditoris Corona splendidior apparebit.

**T**Rabeata honorum elevari in subsellia excelsa,  
Majestuosæ dignitatis ascendere folia, vel ad  
meridionales gloriæ inclarescere soles, ferventissi-  
mò mortales exambiunt studiò AA. Singuli ete-  
nim supra Imperatrices Augusti sellas immensa ho-  
norum luce eminere cupiunt, cuncti serenissimo ti-  
tulum radiò splendere, omnes ingenti famulantiũ  
dignitatum circumdari comitatu exambiunt, nec  
ullus est qui flagranti anhelitu ad honorum festi-  
nando culmina, aut velle recuset, aut os populi me-  
reri non curet. Omnes Pompeii, singuli Cæsares  
esse



esse volunt, quasi à natura omnes pari sorte ad Olympum gloriæ essent destinati. Multi primo vitæ passu summa dignitatum fastigia transcenderet conantur, plurimi cunabula puerilia pro primo gradu ad sublimes ponunt curules, & quàmvis ab ortu suo tenebriones prodierint; tamen in clarissimo eminentiæ splendore exoptant videri. Ab ipsis fasciis, jam ad fasces, jam ad aureum Regalis eminentiæ Pomum extendunt manus, non prius Solem, quàm solium cernere anhelando. Alumnò Lucinæ adhuc gestantur gremiò, jam Olympum gloriæ calcare, jam ad sublime præcelsum Capitolium honoris progredi ambiunt, adhuc tremulò arundinis instar titubant passu, jam adamantina Regni fulcra, jam Scipiones Patriæ dici cupiunt. Alii tumido fastu ut inter sidera attollant caput, Herculeas impendunt vires, ut Majestate **AUGUSTI**, gloriâ **MACE-**  
**DONES**, dignitate **HONORII**, felicitate **JULII**, æstimatione **AURELIANI**, magnitudine videantur **MAXIMINI**, omnes exercent conatus, cum invictissimis triumphare, cum serenissimis in sudo gloriæ apparere, cum Eminentissimis eminere, cum illusterrimis lucere ambientes. Alii cum Alexandro Magno se dignam Jove Sobolem jactando, humanæ obliviscuntur conditionis, ex Deorum nasci non nisi volunt genesi, aut Martem Parentem, vel Berecinthiam suam jactitant Matrem. Alia **DOCTORIS** Seraphici Sanctitatis eminentia, maximum se negavit; cum se indies virtutibus faciebat majorem, infimus ac ultimus dici volebat, cum esset primus Trabeati Senatûs Princeps, eminere non curabat, cum spectaretur Eminentissimum Cardinalitiæ Purpuræ decus, nube regi cupiebat, cum

C

radia-



radiaret fulgidissimus Vaticanæ Unio Rotæ, magnus recusabat nominari, cum esset & haberetur maximus Præsuleæ dignitatis Honor, Cujus maxima eminentia non eminere, summa magnificentia minui, splendidissima serenitas latere inter umbras. Non in altis eminentiæ Montibus, verum in abyssali Seraphicæ humilitatis virtutum posuit basim & sic humilitate summus, pietate maximus, Sapientiâ & sanctitate excrevit supremus. Corporis animiq; Bona in Divinissimo **BONAVENTURA** si spectare licet, omnia præstantissima, velut in Cydari gemmas in Firmamento stellas, in Sole radios observabimus. Si probitatum magnitudinem admirari venit, hæc par Olympo, æqualis Cælo, quam ullæ protensæ Tulliorum auxeses metiri, ulla penna Oratoria attingere non valet, utpote affinis superis plenissima tantummodo æternitate coronanda. Imperatrix virtutum prudentia in Illo eminebat ad stuporem omnium, Purpureus verecundiæ rubor in vultu florebat ad admirationem singulorum, animi modestia Regiam Catonis superabat dignitatem. Ille pro Ecclesia militante Achilles invictissimus, in reportandis trophæis gloriæ Victori Numini, Hector potentissimus, in Fide fortissimus, in charitate fervidissimus, in humilitate profundissimus, in patientia constantissimus, in contemplatione Cœlestium Mysteriorum elevatissimus, quibûsvis maximis splendidissimus virtutum dotibus Summa effudit Cardinalitii Honoris Eminentia. Admirandam igitur probitatum Iliadem, qui Homerus exiguo includet nucleo? infinitas qui Archimedes ad calculum revocabit dotes. Absoluta Eloquentiæ Majestas, ad Cardinalitiam feudaria



dataria Purpuram subsiste, quod par innumeris  
dotibus ac virtutibus Doctoris Seraphici medita-  
beris elogium? citra temeritatem Oratoris laudari  
nequeunt quæ innumera sunt. Admirare tantum  
prodigium **BONAVENTURAM** Divinissimum,  
quem longò gravata senio Ritela Mater cum quo-  
dam edidit miraculo, ut in stuporem universo cum  
Macedone abiret. Sudârunt diutiùs sæcula ante-  
quam magnum Orbi exhibere Pompeium, dedere  
Nummam, protulere Titum. Meditabantur diu  
tempora, antequam magnum Romanæ Purpuræ  
decus, pietatis Ideam, delictum Ecclesiæ dedere  
**BONAVENTURAM**, & ideo distulere Paren-  
tum gaudia, ut docerent; quod magna solatia non  
parva præcedit expectatio & Mundi ornamenta ma-  
xima lento progrediuntur passu. Non horas enim  
aut dies, non menses aut annos, verum sæcula fatigat  
obeliscus, ut surgat, longò confectum senio tempus  
esse debuit, antequam tanta virtutum magnitudo  
coalescere potuit, quæ erat in miraculum universi  
& in summam Cardinalitii Honoris Eminentiam  
abitura. Citiùs semper tenerrimæ surgunt violæ,  
seriùs speciosus Zephyri partus Rosa, vel candidum  
Lilium, citiùs oriuntur minores scintillæ & radii,  
seriùs Soles, Divinissimus **BONAVENTURA**  
quod erat futurus Vaticanæ maximus splendor  
gloriæ, & Summa Cardinalitii Honoris Eminentia,  
seriùs cum Sole & grandibus Altris oriri debuit,  
ab origine statim illustrissimus, serenissimus, quia  
vix genitus, jam sub radiis emicuit Beatus, & inde  
mortalium cunas suâ nascendi gloriâ excelluit, quod  
priùs Coelites amare potuit, quàm vivere, priùs  
Numinis, quàm Orbis deliciæ factus, priùs Coele-



stis Fortunæ vultum noverat, quàm Matris suæ  
Ritelæ, priùs Linguas Cœli quàm vocem Joannis  
Parentis intellexit, ut non aliud verbum loque-  
retur, nisi quod esset DEUS. Ex tantæ lucis or-  
tu sereniores concipite Soles intima Parentum  
præcordia,, Adriaticum Mare ingentibûs Gaudio-  
rum intumesce fluctibûs, ad cujus littora hæc Gem-  
ma prodiit, Cujus candor puritas, pretium sanctitas  
pondus integritas, duratio æternitas, Cujus conser-  
vatio Cœlum, Cujus Æstimator Ipse extitit DEUS.  
Coronata Urbs Regniq; sui Corona Balneoregium  
ex hac Gemma & decus & valorem capesse maxi-  
mum, quæ divitis Gangis superando pretium, di-  
gna Annulo includi Piscatoris. Quæritis quid erit  
**BONAVENTURA** Divinissimus? dicam Ro-  
mani Capitis dexter Oculus erit, qui cæcos in fide  
videre faciet, Anchora erit Adamantina, quæ Navim  
Petri securè detinebit, Purpuratus Ecclesiæ Ro-  
manæ Princeps erit, qui Gentium Dominam for-  
tius quàm Apollo Troiam, vel Achilles Græciam  
tuebitur. Erit maxima Vaticanæ dignitatis gloria  
& Summa Cardinalicii Honoris Eminentia. At hu-  
manæ felicitatis successus Cœlorû Orbitas & cursus  
imitantur, quibûs unâ serenitas amænæ diei, & opa-  
cæ noctis tempestas invehitur. Invida malorû disci-  
mina diuturna mortalium non patiuntur solatia,,  
ubi inimica rebus humanis fatorum malignitas, ve-  
lano cæci impetu furoris in Divinissimum irruit  
**BONAVENTURAM**, ut præconceptæ de Illo  
spes & solatia in herba evanescant. Sed quid agi-  
tis rebus inimica fata? lumen Oculi extinguere,  
Anchoram tollere, Purpuratû Principem captivare,  
Gemmam in pulverem conterere, maximam Vati-  
canæ



canæ dignitatis gloriam, & Summam Cardinaliti  
Honoris Eminentiam suppressere conanimi, quid  
(inquam) agitis diræ malorum furia? quod sanctum  
profanare, quod immortale morte afficere, quod  
incorruptum corrumpere, quod integrum volvere  
Superi, lacerare satagitis, attendite prius compositas  
in Crucem FRANCISCI manus, quæ Vestrum in fu-  
gam convertent furorem. Facta dixi, afflicta Mater  
dulcissimi pignoris casu, tendit ad vivos in Oliveto  
Alverni erumpentes FRANCISCI fontes, uberrimas  
de oculis fundit lacrymas, certa ex illis sperans sibi  
emersura solatia. Agit soleanne votum, BONA-  
VENTURAM inter Seraphicas flammæ gratam  
Coelis victimam fore, num Parcæ parcant & non  
extinguant BONAVENTURÆ vitale lumen.  
FRANCISCUS compositis in Crucem manibûs spon-  
det Ritelæ, cursum vitæ BONAVENTURÆ  
Coelos in meliorem redacturos esse ordinem, ut  
Rota Cardinalia ex cursu vitæ ulterioris BONA-  
VENTURÆ sistat in meta Honoris immortalis.  
Renascitur secundò Phoenix perennaturæ gloriæ  
BONAVENTURA Divinissimus, inchoat pri-  
mordia vitæ, sed tanta, quanta pauci vix meruere  
fenes. In aurora Soles Cœlestis provehit vitæ, æ-  
ternitatis diem illustraturus. In Vere pietatis & ve-  
recundiæ Rosas explicat, Aras Superûm, & Cardina-  
litiam ornaturus Purpurâ. In prætextâ multorû vin-  
cit Togas, à pueritia noscendus Togatus, Laureatus.  
Portendat sibi augusta Juvenis Pellæus, promittat  
excelsa, auspicetur præclara, ambizioso fastu Orbem  
amplitudini suæ gloriæ pro meta designet, felicior  
Juvene Pellæo BONAVENTURA Divinissimus,  
non sibi sed Ecclesiæ portendit augusta, promittit

excel.



excelsa, spondet præclara, & cum maxima exhibeat, majora pollicetur, in quo nil pusillum præter ætatem, nil exiguum præter artus teneros, nil humile præter corpus infantile, cujus magnitudini virtutum capiendæ non Orbis sed Cœlorum par immensitas. Plurimorum vita velut aloes, exigit ævum, ut germinet, Divinissimi **BONAVENTURÆ** ut Virga Jesse, nondum gemmavit jam floruit, quinimò nondum floruit jam probitatum fructus pro floribus obtulit. Virtus **BONAVENTURÆ** Divinissimi annos, vel longius annorum non expectabat tempus, quia non dierum, aut innumerabilium dorum calculò conspiciebatur grandæva, cujus sublimitatem quanta sit, non styli Oratorii est metiri, non Tullii eloqui, dum ipsius Intelligentiæ est tantum admirari. Ex virtute in virtutem ivit **BONAVENTURA** Divinissimus, processit in Olympia arenæ Literiæ, & grandi probitatum passu omnes ad metam præcessit, Ingeniorum scopus, Sapientum Corona, cor & primum vivens Eruditorum futurus. Sublime bicollis Parnassi ascendit fastigium, & altitudine mentis summa æquavit ingenia, Os aureum Musarum, & Phœbi oraculum dicendus. Lumina inter Oratoria illustrissimus, tantum inter erudita Nomina effulsurus quantum Adamas inter uniones, inter sidera Titan. Omnem Tullii Majestatem in se transtulit, Princeps Ecclesiæ Purpuratus nominandus, Philosophico in æquore Jason felicior, aureum gloriæ adnavigavit vellus, scientiarum emporium & maxima gloria, Serenissimos Orbi Christiano ut accenderet dies, continuo Noctes Atticas Cleanthis illustrabat Lucernâ, Militans in terris ut triumpharet

Eccle,



Ecclesia, dexter de Palladis arena reportabat tro-  
phæa, Doctorum laureâ coronandus. Parùm est in  
una Regii annuli Gemma novem Musas cum suo  
in Parnasso Apolline insculptas iactasse Pyrrhum.  
pretiosus scientiarum Unio, inæstimabilis erudito-  
rum Gemma **BONAVENTURA** Divinissimus,  
omne id in compendio tenuit, quidquid in artibus  
illustre, in scientiis conspicuum, in Lycæis rarum  
observatur. Itaq; Palladis laureâ coronatus, Ora-  
toriis luminibus illustratus, aureo, scientiarum vel-  
lere adornatus, luce omnium virtutum nitidissi-  
mus, electam Seraphici Francisci Religionem in-  
gressus, in Alverni monte inam professus humi-  
litem, & summa Orbis fastigia superavit, Cœlos  
si non transcendit, virtutibus adæquavit. Hic Sce-  
ptrum pro calamo, Ostrum pro sæpia, Purpuram  
pro folio assume Regina mentium Eloquentia, ubi  
Serenissimas Religiosis in umbris refulgentes Pur-  
purati Vaticani Senatus Principis virtutes depinge-  
re, & enuntiare intendis, imò de Tuo cede folio,  
vocemq; comprime, & Stellæ Cœlorum linguæ in  
uno Seraphico **DOCTORE** millenas loquantur  
probitates, tota æternitate coronandas. Edisserant  
toto qua latè patet Orbe triumphum Illius de  
mundo gloriosissimum, victoriam sui ipsius incly-  
tissimam, charitatem proximi ardentissimam, pie-  
tatem Numini acceptissimam, Cœlis gratissimam.  
Quæ Tullii lingua edisseret mentis puritatem in-  
taminatam, frontis humilitatem profundam, pecto-  
ris demissam modestiâ, cordis Angelicam innocen-  
tiam in Divinissimo **BONAVENTURA** eminentē.  
Atras peccaminosæ labis noxas nec cogitare, nec di-  
cere licet in **BONAVENTURA** Divinissimo,



auscultare tantum licet plusquam Delphicum ora-  
culum Alexandri de Ales, de Divinissimo **BONA-**  
**VENTURA** inquentis. *Ecce verus Israelita in quo dolus*  
*non est, non videtur in ipso quodammodo Adam peccasse* vide-  
licet ecce Hic purissimus candor probitatum, ecce  
Hic vera Seraphici cordis flamma, excitatura Ecele-  
sia ignes triumphales, ecce Hic Sol absq; macula  
serenissimus; meridiem gloriae Orbi Christiano ac-  
censurus, ecce Hic Divinitatis Imago, & Norma  
virtutum. De stupenda **BONAVENTURÆ**  
quid dicendum sapientia, nihil enim est in Angelis  
subtile, quod Seraphicæ mentis acumine non pe-  
netraverit, nil in Theologico mari profundum,  
quod vastò non exhausserit ingenio, nil in scientiis  
altum, quod eruditâ non tetigerit pennâ. Multa  
olim percepere Homerus à suo Jove, à suis Musis  
Hesiodus, à suo Socrate Plato, à Platone Aristote-  
les, ab Aristotele magnus Alexander, Divinissimus  
**BONAVENTURA** ab Alexandro *de Ales* Magi-  
stro suo percepit plurima, percepta didicit,  
scivitq; Professore major Discipulus subtilissima  
penetrare, obscurissima illuminare, difficilima re-  
solvere, adeò ut perspicuitate Socratem, explicatio-  
ne Platonem, subtilitate Aristotelem, non tantum  
æquaverit verum superaverit. Stupet Alexander  
*de Ales* Professor **BONAVENTURÆ** ingenium,  
admiratur talem Discipulum, qualem nec Platonis  
vel Chironis inclyta habuere. Lycæa. Septimò Re-  
ligiosæ ætatis annò consumatò, **BONAVENTU-**  
**RA** Divinissimus septem sapientes Græciæ excel-  
luit, Sapientum Græciæ, & Orbis Magister ac Do-  
ctor. Quanta **BONAVENTURÆ** in septennio  
Religiosæ ætatatis sapientia, quæ septem sapientes  
Græ-



Græciæ excelluit quantum ingenii lumen! quod  
totum implevit Orbem. Ast non est mirandum,  
ut citius **BONAVENTURA** disceret, præter A-  
lexandrum *de Ales*, Ipse **DEUS** in Cathedra Cru-  
cis Magistrum egit **BONAVENTURÆ**, ut ci-  
tius saperet, Sapiëntia Æterna tota simul se infudit  
Seraphico DOCTORI, ut ocyùs lumine ingenii te-  
nebrionem illustraret Orbem, Sol Justitiæ Cristus  
in purissima Crytallo **BONAVENTURA** o-  
mnes concentravit radios. Ab infusa igitur sapien-  
tia **BONAVENTURA** Divinissimus profun-  
dissimus in scientiis, Abyssum æquavit Thomam,  
Thomæ æqualis virtutibùs par meritùs, annis coæta-  
neus, eruditione similis nec dissimilis Seraphicus  
Doctor Doctori Angelico. Ambo Soles refulsere  
Orbis Christiani & maximum Ingeniorum facti pro-  
digium. Scientiarum Magistrum, Orbis Minervam,  
& Musarum sæcundam Matrem Sorbonam Parisien-  
sem post hinc trienniò erudivit **BONAVENTU-  
RA** Divinissimus, ubi quantus Magister in sua Pro-  
fessione fuerat, vastitate ingenii, ac doctrinæ Ejus,  
rapti in stuporem multorum sensus, documenta præ-  
buere, quòd Seraphicus DOCTOR, Seraphicè docuit,  
Angelicè erudivit, erudiendo quid dixit oraculum,  
quid scripsit miraculum, quid reliquit immortale  
credebatur. Hæc oracula Seraphicæ sapientiæ, hæc  
miracula Angelicæ doctrinæ, hæc immortalia reli-  
cta **BONAVENTURÆ** Divinissimi admirari, le-  
gere, & videre licet tot in libris Typo mandatis, qui  
bùs Ecclesiam ornavit, Lycæa illustravit, Biblio-  
thecas implevit, Ecclesiæ decus, Lycæorum radius,  
Bibliothecarum lumen, ac Summa Cardinalitii  
Honoris Eminentia **BONAVENTURA** Divi-  
E nissi-



nissimus. Ornavit Ecclesiam librâs in laudem Astro-  
rum Reginae conscriptis, libellis de Flore Nazareno,  
aliâs Infante Christo erudita manu exaratis. Illu-  
stravit Lycæa codicibus de septem visionibus inti-  
tulatâs. Implevit Bibliothecas voluminibus de præ-  
eminencia virtute & sapientia Doctorum conscri-  
ptis, libris de vita Seraphici Francisci compilatis,  
aliisq; innumeris; quæ brevî recensere syllabô non  
horæ istius vel diei est opus. Inferre licet itaq; ex  
tot librorum Voluminibus, Divinissimi BONA-  
VENTURÆ admirandam scientiam, ex scientia  
stupendam sapientiam, ex sapientia coronatam vir-  
tutem, ex virtute Angelicam sanctitatem, ex sancti-  
tate Orbis Christiani felicitatem, Ecclesiæ peren-  
nem gloriam, & Summam Cardinalitii Honoris E-  
minentiam licet inferre. Stupendus Ingeniorum  
Apex & virtutum fastigium BONAVENTURA  
Divinissimus ascendit summum Religiosi Honoris  
culmen *GENERALIS MINISTER* factus, at in  
infimam Seraphicæ humilitatis descendit abyssum,  
Tytan Cœli Seraphici, in Honore sistens meridie,  
minimus exambit videri, ubi minimis sese quibus-  
vis Minorum Fratrum mancipando obsequiis, sub-  
esse vult omnibus, cum præest singulis, humili-  
tatis exemplar, modestiæ Regula, sanctitatis spe-  
culum, Ultor tamen flagitiorum vult esse ma-  
ximus, vindex Honoris Divini summus, Tutor  
virtutum supremus, dum obstinatos punit severè,  
Hostes Ecclesiæ expugnat acerrimè, ferventes a-  
more Divino ad profectum virtutum movet pru-  
dentissimè suum pro Archetypo exstaticum DEI &  
proximi amorem, pro Idea pietatis continuam in-  
oratione perseverantiam, pro exercitio mansuetu-  
dinem



dinem exhibet, exhibitō plures exemplō docet,  
quā̄m olim Idea Oratoriæ Facultatis, & Togatæ  
Gentis Gloria Cicero, docendo, movendo, svaden-  
do, inclinavit, inflexit, impulit. Ille Regulas o-  
mnes intaminatus observat, sancita Ordinis ut ora-  
cula promulgat, Statutorum observantiam omni-  
cum reverentia commendat. Ille subsidium pau-  
perum, solatium afflictorum, Asylum miserorum,  
virtutum propugnaculum. Sed hic nè compendiū  
laudum & probitatum **BONAVENTURÆ** Di-  
vinissimi? minimè Summus Ecclesiæ Splendor.  
**GREGORIUS X.** ut decoret virtutem Honore  
**BONAVENTURAM** Divinissimum probi-  
tatum Gemmam Insulæ Eboracensi inserit, quan-  
tum Ornamentum Insulæ Gemma probitatum **BO-  
NAVENTURA** Divinissimus! & quantus Gēmæ  
candor, candoris nitor, nitoris gloria quanta! o-  
mnium oculos, singulorum pupillas virtutum luce  
maxima in se rapere, & nolle videri in Insula! in ci-  
dari eminere! Ut tamen Summa Cardinalitii Ho-  
noris Eminentia appareat diutiùs postulatus Ro-  
manæ Purpuræ annumeratur Principibus virtutum  
Princeps **BONAVENTURA** Divinissimus, Al-  
banensi adsciscitur Cathedræ, ut prominens ex Car-  
dinalitia Purpura Divinissimi **BONAVENTU-  
RÆ** probitatum candor, illi Decus maximum attri-  
buat. Sed ita decebat ut Princeps virtutum **BO-  
NAVENTURA** Divinissimus in Cardinalitia,  
Rota millenīs veheretur laudibūs, qui erat meta &  
centrum omnis perfectionis, ita decebat ut in Ca-  
pitolio Purpurati sisteret Honoris, qui de hæresi  
plures reportavit laureas, ita decebat ut Cardinali-  
tium deferret Galerum, qui erat facundissimus pro



Honore Divino Mercurius. Ad splendorem Pur-  
purati Honoris ad Eminentiam Præsuleæ dignita-  
tis quàm admirandis effulsit virtutibus quàm stupen-  
dis inclaruit universo meritis quàm præclaris se  
commendavit Christiano Orbi facinoribus, Hic  
Atlas fortissimus labentem olim suis à cardinibus  
Christianum sustinuit Orbem, Hic Scipio adver-  
sam Romæ fregit Carthaginem, Hic Princeps Pur-  
puratus duram hæresis cervicem in debitæ venera-  
tionis homagium Gentium Dominae subegit. Hæc  
Adamantina Columna stabilivit Ecclesiam, Hæc  
Anchora detinuit PETRI Cymbam, Hoc Funda-  
mentum, totum orthodoxæ fidei sustinuit Funda-  
tum, Hic Solis Æterni Radius felicissimè ar-  
dens, beatissimè fulgens atram errorum dissipavit  
noctem, Hoc caput Divinae Sapientiaæ plenum,  
quidquid excogitavit id Summa Potestas æternæ ve-  
ritatis esse approbavit, Annulô Piscatoris roborav-  
it. Hic Cœlestis facultatis Magister, illa malitio-  
sa, improba, nefanda, indigna, furibunda, execran-  
da ut ita dicam Græcorum subjecta, quæ Principa-  
lissimo quia de Sanctissima TRINITATE Divinae  
fidei articulo moliebantur ruinam; Processionem  
scilicet Spiritûs Divinissimi ab utroq; denegando  
melius in fide orthodoxa fecit sapere, ipsamq;  
Græciam Scientiarum & Literarum sedem Divini-  
tûs erudivit, Ecclesiæ univit conjunxit, copulavit  
Aureum Os Ecclesiæ GREGORIUS X. dum  
oracula Orbi Christiano loqui desierat, mota fuit  
ex centro suo Cardinalitia Rota, rupta fuere Pur-  
puratorum Principum corda, scissa animorum u-  
nio, discordia circa novi electionem Successoris  
facta, quis in centro omnis perfectionis stetit Rotam  
facta



Cardinalitiam? Summa Cardinalitii Hon oris Emi-  
nencia **BONAVENTURA** Divinissimus, quis  
rupta Purpuratorum Principum sociavit corda?  
Cor Ipse purpurati Coetûs **BONAVENTURA**  
quis scissam animorum unionem copulavit Unio  
Doctorum **BONAVENTURA**. Ille singulis o-  
pratam conciliavit pacem felicissimè, sedavit lites  
efficacissimè, composuit discordias pacatissimè, &  
absq; ulla votorum controversia Orbis Christiani  
Moderatorem Teobaldum elegit, nominavit, pro-  
mulgavit. Singula mille encomiis digna quæ pro  
gloria Seraphicæ Religionis quæ pro Honore Di-  
vino fecit & egit **BONAVENTURA** Divinissi-  
mus enumerare gesta, recensere facta, innumeras  
Illius ad calculum revocare virtutes opus censeo  
sæculorum. Radiate jam candenti serenius  
Sole Oratoria sidera, ut Seraphico **DOCTORI**  
coruscum encomiorum adjiciatis jubar, fundite  
stellas pro literis eruditorum pennæ, ut Olympû  
gloriæ **BONAVENTURÆ** Divinissimi illu-  
stretis. Desudate ingeniosæ Laudatorum frontes  
ut gemmas in coronam laudum **BONAVENTURÆ**  
**Divinissimi** depromatis. Mihi liceat  
tantum **BONAVENTURAM** Divinissimum  
ex altitudine Sapientiæ Supremam Capitis Eccle-  
siæ admirari Potentiam, Purpuratum Vaticani Se-  
natûs venerari Principem, & ex præcella virtu-  
tum Majestate, ex maxima sanctitatis sublimitate  
adorare Summam Cardinalitii Hon oris Eminen-  
tiam.

**T**uæ gloriæ hæc est Eminentia Augusta Sera-  
phici **FRANCISCI** Religio. Fastigium Hon oris  
Tui, jam summam Vaticani æquat altitudinem.

**E** cum



cum illud Pontificum sublimant Tiaræ, Cardinali-  
 tii ampliant Galeri, Archipræsulea attollunt Peda,  
 Episcopales irradiant Infulæ, Tuarum virtutum  
 magnitudo, meritorum celsitudo, Seraphicæ hu-  
 militatis abyssus, adeo in summum elevant, ut  
 nullus Oratorius stylus, illud metiri, nulla penna  
 erudita attingere, nullus eloqui Tullius valeat, u-  
 num tantum dicere valet, quod Tui maximum est  
 Honoris Fastigium. Summa Cardinalitii Honoris  
 Eminentia es **BONAVENTURA** Divinissime,  
 Summos Regni Lechici protege fasces, Tergemi-  
 nas sublimis Vavelli Coronas, luce Honorum ma-  
 xima nitidissimas efficias. Aurea studiorum Au-  
 gustæ Matris Universitatis Sceptra, Tuarum vir-  
 tutum splendore irradia. Coronatrix Regum  
 & Regni Metropolis Cracovia, Festiva magni Ju-  
 bilæi celebrans hilaria Sacro Tuo applaudit Hono-  
 ri, applaudendo cum numeroso Incolarum Coetu  
 ad Te festivo accurrit passu, implorando, ut ad  
 Universale hoc Jubilæum singulis nobis auream  
 Tuarum gratiarum referes Portam, & sic  
 Summa Cardinalitii Honoris Eminentia  
 à singulis approbaberis ut ego probavi &

D. I. X. I.





to  
e.  
M  
o-  
m  
o  
es  
er  
ne  
a-  
ut  
o  
e-  
y-  
ti-  
e-

o.  
e.  
e.







22000,-

3.XII.13



**Bibliotheca**  
**P.P. Camaldulensium in Bielany**

Depozyt w Bibliotece Jagiellońskiej



02350



